



Broj: 07/2-14-2084/19
Vogošća, 24.01.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 24.01.2020. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE REDOVNOG ČIŠĆENJA I
ODRŽAVANJA HIGIJENE ZGRADE OPĆINE VOGOŠĆA**

Član 1.

Ponuda ponuđača "Greenline" d.o.o. Sarajevo, ulica Ahmeda Rizve broj 2. Vogošća, odabrana je za pružanje usluge redovnog čišćenja i održavanja higijene zgrade Općine Vogošća, kao prvoplasirana na Rang listi, sa ponuđenom najnižom cijenom tehnički zadovoljavajuće ponude u iznosu od 39.450,00 KM bez uračunatog PDV-a, odnosno 46.156,50 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 31.12.2019. godine donio Odluku o pokretanju Otvorenog postupka nabavke usluge redovnog čišćenja i održavanja higijene zgrade Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.12.2019. godine pod brojem: 1353-1-2-241-3-176/19.

Sažetak Obavještenja o nabavci objavljen je u "Službenom glasniku BiH" broj: 1/20 od 10.01.2020. godine.

Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 17.01.2020. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 17.01.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-2084/19 iz decembra 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Emms" d.o.o. Jelah-Tešanj	66.560,40	/	/	77.875,67
2	"Atalian Global Services BH" d.o.o. Sarajevo	49.889,70	/	/	58.370,94
3	"Greenline" d.o.o. Sarajevo	49.690,50	/	/	58.137,88
4	O.R. Agencija za čišćenje "Temiz"	47.053,46	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Emms" d.o.o. Jelah-Tešanj ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Emms" d.o.o. Jelah-Tešanj je u svojoj Ponudi (strana 8-13 Ponude) kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 10.12.2019. godine.

Komisija za javne nabavke smatra da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača O.R. Agencija za čišćenje "Temiz" ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 50. Zakona zahtjevano je da je ponuđač kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 25.000,00 KM bez uračunatog PDV-a. Tačkom 7.4.2. pod a) TD je traženo da ponuđač u svrhu dokazivanja ispunjavanja uslova iz tačke 7.4.1. pod a) TD treba dostaviti spisak izvršenih ugovora u ukupnom iznosu od 25.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika u skladu sa članom 48. stav 2. Zakona. Ukoliko se potvrde o izvršenim uslugama ne mogu obezbijediti iz objektivnih

razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Potvrda o pruženim uslugama koju izdaje naručilac obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač O.R. Agencija za čišćenje "Temiz" je u svojoj Ponudi (strana 16. Ponude) dostavio Potvrdu o pruženim uslugama izdatu od strane firme "Integralog" d.o.o. Sarajevo od 15.01.2019. godine koja ne zadovoljava uslove propisane članom 48. stav 3. Zakona o javnim nabavkama BiH, a isti su jasno zahtjevani tačkom 7.4.2. pod a) TD (u dostavljenoj Potvrdi nedostaju navodi o vremenu i mjestu izvršenja ugovora).

Ponuđač O.R. Agencija za čišćenje "Temiz" je u svojoj Ponudi (strana 19. Ponude) dostavio Potvrdu o uspješno realizovanim ugovornim obavezama izdatu od strane firme "Network" d.o.o. Sarajevo od 31.12.2019. godine koja ne zadovoljava uslove propisane članom 48. stav 3. Zakona o javnim nabavkama BiH, a isti su jasno zahtjevani tačkom 7.4.2. pod a) TD (u dostavljenoj Potvrdi nedostaju navodi o mjestu izvršenja ugovora).

Prethodni nedostaci vezani za Potvrde o uredno izvršenim ugovorima u postupcima javnih nabavki su bili predmetom rješavanja Ureda za razmatranje žalbi BiH kroz Rješenje broj: JN2-01-07-1-765-10/17 od 08.02.2018. godine.

Zbir svih preostalih ispravnih Potvrda o pruženim uslugama dostavljenim u Ponudi ponuđača O.R. Agencija za čišćenje "Temiz" iznosi 23.043,10 KM i isti je manji od iznosa traženog tačkom 7.4.1. pod a) TD .

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Atalian Global Services BH" d.o.o. Sarajevo i
- "Greenline" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda, nakon čega je utvrđeno da postoji računska grešaka u Ponudi ponuđača "Greenline" d.o.o. Sarajevo.

Komisija za javne nabavke postupajuću u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 07/2-14-2084/19 od 20.01.2020. godine dostavila na davanje saglasnosti ponuđaču "Greenline" d.o.o. Sarajevo.

Ponuđač "Greenline" d.o.o. Sarajevo je svojim aktom od 21.01.2020. godine dao saglasnost na ispravku računске greške, tako da umjesto ukupne ponuđene cijene u iznosu od 49.690,50 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 49.692,09 KM bez uračunatog PDV-a.

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16) i Odlukom o izmjenama i dopunama odluke o obaveznoj primjeni preferencijalnog tretmana domaćeg ("Službeni glasnik BiH" broj: 54/19).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2019. i 2020. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 24.01.2020. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 09.01.2020. godine, Komisija za javne nabavke je sačinila sljedeću Rang listu u Otvorenom postupku nabavke usluge redovnog čišćenja i održavanja higijene zgrade Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Greenline" d.o.o. Sarajevo	39.450,00	46.156,50
2	"Atalian Global Services BH" d.o.o. Sarajevo	39.500,00	46.215,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Greenline" d.o.o. Sarajevo, za pružanje usluge redovnog čišćenja i održavanja higijene zgrade Općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 39.450,00 KM bez uračunatog PDV-a, odnosno 46.156,50 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Emms" d.o.o. Jelah-Tešanj
2. "Atalian Global Services BH" d.o.o. Sarajevo
3. "Greenline" d.o.o. Sarajevo
4. O.R. Agencija za čišćenje "Temiz"
5. Nadležnoj Službi
6. U dosije

032/660-536

033/922-497

033/424-095

agencijazaciscenjetemiz@hotmail.com

